

Мана кандидат

Шидр Прикаспийск загъсна комбинатин кӧдлмшчнрин болн уулд церглӧчнрин хург деер олн-ӧмтнӧ заргъс сунъгългъна туск тӧр тӧвдж кӱӱндвр кегдв.

Хургт тӱрӱн болдж консервн цехин начальник ур И. Я. Шангин босдж уг келӧд—би, 1941 джилӧс нааран ур Тюрбя Манджиевич Лиджи-Гаряевиг т а н ь н а в. Ур Лиджи-Гаряевин кандидатуриг Каспийск района заргъчдзааджанав.

—Ур Т. М. Лиджи-Гаряев Красинск хотна угатя загъсчин кӧвӱн, багъасн авн загъсна анънллгънд, олн-зӱси советск болн партийн кӧдлмшт кӧдлдж йовсн кӱн, 1941 джилӧс авн 1944 джил кӱртл мана района олн-ӧмтнӧ заргъч

йовсн кӱн, КПСС-н член,—гидж келв.

Дарунь босдж уг келцхӧсн комбинатин ах инженер ур Гаряев А., слесарь ур Полянский М., нань чигн улс ур Лиджи-Гаряевин кандидатуриг зӧвтӧ гидж дӧнънцхӧв.

Загъсна комбинатин кӧдлмшчнрин болн уулд церглӧчнрин хург нег дуугъар ур Лиджи-Гаряевин кандидатуриг Каспийск района олн-ӧмтнӧ заргъч сунъгългъна сунъгъврн округар темдглдж шиидвр авб.

Ур Т. М. Лиджи-Гаряевин кандидатуриг Каспийск района кӱч-кӧлсчнрин депутатнрин Советин кӱцӧгч комитет 73-ч сунъгъврн округар бичв.

САНГАДЖИЕВ Д.